

餅水齋詩集
三



餅水齋詩集卷七

著雍敦牂

詠疏雨觀察聽事前所鑒三鸚鵡

鸚鵡來南詔。年年憶故園。乍歌三婦豔。似聽五禽言。香稻山雞笑。驚雷幕燕翻。方音萬里路。膽欲采輶軒。賴是心無事。擡頭不避君。清談愛名士。蠻語笑參軍。毛羽終爲累。樊籠尙有羣。窗扉與鸚鵡。飲啄自紛紛。

郡齋如春桃花盛開

花開繞過試鐙風。借得鐙花一色紅。多謝東君難忍俊。青春先到細腰宮。那消羯鼓苦相催。閒處飄零冷處開。略似江鄉修禊後。綠萍堆裏酒船來。十日春寒一日晴。隔牆惟見此花明。深山那有閒蜂蝶。雨雨風風別有情。屋角嫣然又一枝。花神好好要題詩。浣花箋紙偷春格。寫寄江梅尙覺遲。午陰市院懶猶眠。孤負紅妝又半天。便合移他水精枕。淺蓬萊下小遊仙。

教子圖詩爲程任齋太守卓梁作

金管書蕭繹。青鐙讀范滂。十年通籍早。一卷畫圖長。佳入詞場話。慈開宦海航。願持春酒綠。曼壽詠高堂。

先生來學微。直到夜郎西。乍看飛鳧下。能將戰馬騎。功強文苑傳。恩重武都泥。敢謝庸言小。然脂手自題。

任齋太守出示軍行諸詠因題其後

響拓弓弦霹靂聲。梅花癡老請長纓。三驅不誠前禽失。一檄居然下馬成。餘事尙能開筆陣。偏師難與據詩城。相看我亦羊公鶴。如此麴麴太笑生。太守與余同出前清帥陽湖管松匡先生門下。

藏書歎

爲李他山拔萃英。作也。南郡無書。獨他山家祕有積卷。三苗之難。存什一於千百。余從征幕府。恒向他山借觀。聽述顛末。歎歎有言。

小年三食紅蠶魚。夢騎蝴蝶讀祕書。雄雞一聲忽掩卷。恨無記事雙明珠。弱冠羣書頗卓犖。烏帽黃塵恩科目。枉拋心力畫牡丹。空谷烟蘿看不足。自從託縣仍翱翔。東西南北皆異鄉。一肩古錦有時棄。矧此車後塵垢囊。乃知讀書具有數。惆悵年年遠行路。山水難將恩怨分。文章已被飢寒誤。戎車六月援孤城。蕭郎白馬從軍行。一丁豈不敵兩石。夜闌背誦陰符經。稍喜秋聲號筍曲。瞥見東風吹草綠。相逢幕府羽檄開。便得從君借書讀。君言家住城北門。舊有牙籤三萬軸。弄藏何止數十載。寒非羅綺飢非肉。無端搆難出槃瓠。烽火春宵失弗屋。當時清俸買來多。劫後之灰無一掬。我聞此語欲涕流。青燈風雨懷千秋。經者三墳及五典。緯者八索及九邱。殘膏賸馥合餘燼。什一千百嗟存留。自來文明象離火。斯實天意非人謀。君不見羽林香。兔園冊。煤尾蛛絲若干尺。不如筆硯一齊焚。死灰焦土無人識。

綠海子修禊作

東風綠海子。騎馬似乘船。脫劍逢諸將。流觴擬昔賢。波恬魚策策。春遠草芊芊。較勝山陰酒。樽前得幾賢。

十八先生墓

明桂王子由榔。自粵竄黔。僞督師孫可望。待無人臣禮。從臣吳貞毓等謀誅可望。事洩。被誣害。其家人併殛之。在今興義府西關外馬場。稱十八先生墓。春秋有祀。十八先生者。大學士吳貞毓。太僕少卿趙廣禹。給事中徐極。御史林鍾。周允吉。朱議榮。員外郎蔡縝。林青陽。蔣乾昌。任斗蓬。主事胡士瑞。張鏞。朱東旦。易士佳。李元開。都督鄭允元。司禮太監張福祿。全爲國。藐諸孤。蕞爾國。天荒荒地窄窄。可憐蟲亡賴賊。十八人罹此厄。計雖非氣自直。同日死。異代情。田橫島。秦霄客。彼三千。此五百。黃土黃。碧血碧。秋風楊。春雨麥。我從軍。弔遺跡。短歌行。長太息。

從他山借閱指月錄臨別送還卽書冊尾

誰知感慨悲歌士。來作郎君子弟禪。萬里相逢皆定數。一竊得借亦前緣。埋頭讀紙廢於夢。遮眼看經去似烟。捲卷題詩倍惆悵。太平世界別離天。

又題元白長慶集後

誰識香山絕妙詞。女歌嫵解伎彈絲。再除一箇雞林相。肯把黃金買白詩。元九才情遜樂天。夢遊春曲太纏綿。白頭宮女閒能說。何必連昌又一篇。

兩頭織織

兩頭織織筆公弼。半黑半白阮公籍。膈膈膊膊劉越石。磊磊落落曹孟德。

古詩四十韻贈郭念士

我觀世所重。仕宦躋顯要。其次冠儒冠。撫拾供吟嘯。鄉黨有布衣。屏不作同調。一旦事緩急。各各毋相弔。試問十二年。秦師誰所犒。讀破未燒書。幾爲商賈笑。南籠有義人。雲龍而霧豹。四座且勿喧。聽我前致導。郭姓懷仁名。念士其自號。家居城北門。素業習畊釣。稍稍所贏貲。市逐什一耗。雖未免鄉人在鄉名。則邵其不善者惡。而其善者好。去年三苗叛。孤城中飛礮。堅守春徂夏。彫氓感遺囑。念士散其財。念士助其糶。城中一切事。實惟念士劬。援師克普坪。羣醜撲原燎。普坪在南籠城北三十里。先爲苗子所據。艱難捍禦。功元戎以疏報。至尊顧嘉歎。改郡奉明詔。好義則民興。君子是則倣。榮名何奕奕。殊施亦浩浩。威勸侯既解。郡國以狀聞。詔改南籠府爲興義府。並加恩守城官弁士民。念士與焉。奉準吏部議。覆敘功得給六品職銜。念士不簪纓。念士不學校。乃迹其所爲。二者不能到。嗟彼浮靡徒。空談誇有效。見義忽無勇。指瑕仍自蹈。或生鄙吝心。秦越視肥磽。或生恇怯心。弩末不穿縞。且有最黠者。藉此營爲盜。種種諸變相。秦銳不可照。孰有如念士。始終絕戀戀。我贈念士詩。不識念士貌。吾友李他山。嘗以此事告他山。山不妄言。所譽信非冒。薦賢當上賞。殺賊正年少。草以風識勁。樹以雪辨操。士生天地間。必無僞忠孝。茲事既可傳。斯人亦惟有。勉哉守元軫。行矣飛黃鵠。借君仗義名。助我吟詩料。

卻寄陳鵬判官

芭蕉關外路，難得手重攜。雨雪新鴻爪，風塵舊馬蹄。十年殊出處，一水又東西。還有何哉否，匆匆唱柳隄。
無蟹有監州，人愁我始愁。浮名循吏傳，情話少年遊。酒熟花生樹，春殘笛倚樓。陳遵尺牘好，珍重寄銀鉤。

燐祭行

散如高峰之放螢，聚如大海之浮萍。低如草間之撲蜚，遠如天際之墜星。其聲咄咄，其光熒熒。其色或綠或白，或縹青。又如露翻荷蓋，以濕漚。風吹柳絲之飄客，風帶墀玉豆。犀帶攢銀釘，下迷地戶上天庭。燐火簇簇花冥冥，是時月黑葉落十五翼。雲帷霧屋山簾篋，鬼車嘯過紅杉廳。麥飯一盂水一餅，老僧點鐙來誦經。撐鉢泣雨不可以悉聽，閃者鬼眼碧。冷者鬼手馨，新鬼舊鬼相掣曳。山魃虎伥立肉屏，老僧牢坐雙背腹。左鐙右鼓中搖鈴，始言慘澹，中言慷慨。終焉丁甯，骨則有時而朽，魄則有時而化。所不可泯滅者，惟此國殤點點哀伶仃。君不見閭閻可畫像，山可勒銘，殺賊而爲厲，成神而爲靈。七尺之軀，一尺面，生爲三軍死爲五丁。將軍戰馬野花紫，愁城萬雉寒不扃。此時空閨夢未醒，黃鸝白馬春恹恹。況乃人壽幾何年，齒齡長平無寸鐵，赤壁無隻舸。佳城不重貨布，陰房不攜娉婷。泥犁羅刹不稱幙，與綈衣不煖千金裘。食不饜五侯鯖，泰山鴻毛今古一邱貉。曷爲鬱塞自苦，有類蠅蠅。蠅蛤紙錢索索，邨醪冷冷。去此鐵圍山外十萬八千又奇里，中有極樂世界度諸苦厄。竟無垌，厲聲一咒萬響停。人頭馬跡略具形，若飛灰若墮翎。石磬礪，簪瓏玲。去來倏忽不知誰，使令風毛雨血，鎗花腥。

草短短

草短短。牛緩緩。牧童騎牛變寡寡。騎牛唱歌歌聲愁。有田不耕傷我牛。同渠不得耕田故。去年田爲戰場路。去年有田不得耕。今年耕田春雨晴。山泥匪石牛欄角。況無穀種何以生。語意勿憂休唱曲。官給兩種播百穀。一月城中官振粥。

他山讀先祖詩愛雞鳴桃花邨句書來論訊作此答之

春山行役采芳蓀。雞鳴花開記此邨。祖德互從千里述。詩情遙向百年論。簪裾盡處雲雙闕。衣鉢傳來雪一門。先祖檢討公以康熙壬辰通籍。他山令祖侍御十虛公。則於戊戌入翰林。雖於詞館爲前後輩。而實同出武進趙恭毅公門下。鸞鳳本枝牛馬走。風流文采悵無存。

寄懷他山

小海采蘭三月。大道折楊一枝。我是江南紅豆。逢人便說相思。新聲子夜讀曲。宿雨花朝洗春。忽作浮萍兩點。又撒香莖一巡。南詔羽書初罷。西園裙屐齊來。只此便堪圖畫。何須寫向雲臺。不恨相逢遲暮。只愁相別匆忙。從此天涯海角。他山何處他鄉。喫茶可至七椀。借書時復一編。寄語阿三。他山之債。勞苦如今帖席眠時。往與他山談。必夜深。此債待給。

使令不飽。

臥聞蟋蟀偶成

夜夢既闌人語絕。一箇秋蟲切切。須臾同聲一蟲應。牆北牆南相掉舌。兩蟲各據一牆根。若斷若續無
休歇。我雖不辨蟲所云。在蟲自聽當有說。譬如爾我談談論。蟲若聞之亦不決。又思方言人人殊。中原俗
父南蠻貊。何此蟲聲清且幽。如是世間了無別。十年枉自注蟲魚。反覆尋維婉格物。參軍聊解蠻府嘲。詩
人最憶幽風節。爲渠一一記稱名。更僕數之頗瑣屑。或爲莎雞或促織。曰蚤曰蠶又蜻蛉。絡緯啼來懶婦
驚。鴛鴦飛去王孫別。不知誰造此等名。今昔相傳互羅列。亦如吾儕名字外。山人居士紛標揭。此時蟲聲
漸近階。自牖而帷而枕徹。靜思凡物有本性。蟻愛趨羶蠅好熱。茲蟲獨結清淨緣。每向秋宵自鳴咽。傳去
三生玉女言。記來四句金剛偈。初聽彼此似相呼。再聽往還似相詰。千聽萬聽遍耳根。但覺有聲皆蟋蟀。
忽然遠唱一聲雞。四角悄然若樂閑。憶得此時青粉牆。霜花一寸開如雪。

中元節夕觀音寺看放河燈歌程任齋太守屬賦

城南秋水環碧螺。上有三層窳堵坡。四山既隕月魄伏。看放河燈燈滿河。城中士女來婆娑。我亦相逐鄰
人儻。蜿蜒燭龍銜尾出。燭耀螢火瞥眼過。軋軋織作錦萬梭。簇簇開出花一窩。浮沈曲直隨盤渦。千燈一
光水面配。此時西風卷銅鏡。略有細浪紋吹轉。若以蠟代薪。瑤臺鬱鬱蟾娥。若以犀然指。驚起蛟龍畫長橋。
臥虹石闌亞。人影較似燈光多。孟蘭之會七月半。譬若五日哀汨羅。比於試燈事則異。傲自流觴笑欲瑤。
任齋所說魚山清梵遠可聽。難以絲竹鐘磬鐃。香燈中供觀自在。一神手杵其章馱。云何欲度諸苦厄。楊

枝灑露甘於醴。藕絲袈裟無等咒。彷彿餓鬼來僂僂。我聞地獄一十八。漆城蕩蕩棲陰魔。銀花火樹忽照見。能使大地光明俄。僧言功德此無量。黃泉黑海開青荷。況復連年苦征戰。往往鬼囓聞群柯。安得列炬千百億。燦若晞髮陽之阿。慙爲太守彈兩指。勸我且作河鐙歌。歌成鐙施一刹那。城門畫鼓兩手按。烟波不動天影碧。繁星點點如張羅。

憎蚊

惟蚊肅隊來。三三或兩兩。所須諒無多。頗不關痛癢。未靳果腹去。幸毋逼耳響。奈何聚成雷。已秋猶搆黨。棘蠅晝乍驅。池蛙夕難賞。爾蚊信無譁。噬膚許默響。伯爾溫飽志。留我清靜想。抑揄豈不能。吾亦愛吾掌。

銅鼓詩

望之鐵色質則銅。被以鼓名聲乃鐘。面如塵鏡冷不銹。底如覆釜其音登。中央一束黃腰蜂。土花戰血相淡濃。上有文字如雲龍。手三摩挲不可蹤。我隨車騎來南龍。此鼓獻自畊田傭。問渠鑄鼓何所宗。云是諸葛征蠻兒。渡瀘五月濟火從。功成畀錫羅甸封。歲時伏臘事吉凶。椎牛醺酒宴萬峰。乃以此鼓代鼙鼓。青山白雨雙杖筇。小叩小鳴初琴琴。大叩大鳴既逢逢。天空谷應聲隆隆。諸苗拜舞衣無縫。能宴藏鼓無敢縱。千載風俗茲益恭。憶昨巨虛負蛋蛋。鼓聲將帥思三冬。今者戍鼓罷不摺。催花羯鼓聲玲瓏。請留此鼓鎮邊城。符業丹腰懸維維。雖殊石鼓賦車攻。頗做土鼓追黃農。金人十二銷銅錄。并勸我詩當紀庸。而我再衰三則慵。雷門之布裘難容。

八月十五夜鳴玉山房

初八看秋月。青天如挂罽。十五看秋月。青山如對鏡。作客夜郎遙。感時秋士稱。酒從此處賒。期已昨宵訂。傍晚出城隅。月上衆山靜。山房敞八窗。石闌干且凭。大兒北海豪。老子南樓興。若畫主客圖。可畫不可贈。斯時仰天笑。天送月出竟。空無半雲遮。遠有兩星騰。玉宇瓊樓中。了了可指證。因秋之佳氣。見月之本性。此景既難逢。此遊應最勝。迥然發嘯歌。山壑爲我應。更俯下迴谿。澄澄一盤映。有如碧波瑣。溼銀沃之壘。山月靜可觀。水月動可聽。山月與水月。動靜不相競。悟理在須臾。須臾夜已定。花垂露暗滋。襟起風知勁。杯盤既狼藉。縹緲尋歸徑。攜月入城來。城外秋皆賸。

黔俗以試院丹筆寫魁星相餉。遺云：避不若會疏雨觀察有事棘園。旣撤局。僂從輩攜數幅出求者。踵至。粲爲是詩。

天上文星斗第四。石不能言不識字。未知色相何依憑。競道文章若游戲。右手執筆左斗杓。吁此權柄毋敢撓。朱衣點首依稀是。絳蠟燒心第幾條。金筑秋風開試院。一紙功名持贈遍。形管點成炯炯眸。丹砂塗出團團面。不愁薄命畫葫蘆。施朱太赤紅顏黷。傳來鏡下郎君語。寫竝山南進士圖。丹篆三重文煒煒。中列巡撫關防篆。爲監臨官。旁列兩觀察。則提調監試也。紅艾香油紫花水。都隨藝榜去遊仙。當作桃符能避鬼。君不見。賜緋容易報瓊難。比似胭脂畫牡丹。想見白袍吟立鵲。仗伊綵筆去騰鸞。

重九日作

迢遞秦莫節。詩成畫掩關。曙袍秋白紵。風帽舊青山。已負持螯興。誰尋戲馬還。家人怨行役。頻覩蕭條風。雨夕歸夢幾徘徊。客舍柳三疊。故園花兩開。雁聲書憶錦。蛩語石侵苔。何事蘇書記。天涯數舉杯。范秋門大令招飲寓齋不佞屬有河魚之疾至此一醉而廖會將檣被東歸卽事報謝並以誌別。市月浪浪聽雨聲。酒人相見恰天晴。采薪疾向樽前起。折柳詩常燭下成。他日往還憑夢到。經年聚散覺情生。遲君西笑長安道。拈得花枝一手迎。燭影搖紅蠟又堆。山膚水象淺深杯。未妨食指連朝動。直爲中心永夕來。刺史腸猶能惱亂。將軍腹豈負追陪。只應悔我東曹掾。想著鱸魚便要回。

寄別他山

千金買寶刀。古色繡難認。一朝雌雄合。餘劍器皆損。自我得他山。臭味欣相親。戎幕接深談。往往燭至燼。數靈發書倉。闢靡誇筆陣。如以刃解解。如以泥印印。憶昔春風場。結客賞頗慣。矧在西南隅。所見倘亦僅。如何一杯酒。見晚別偏迅。秋禊過春禊。倂仰才一瞬。墜歡不可拾。離緒亂於蠶。始知良會難。良會天所吝。昨聽杜鵑啼。行李近霜信。迢迢復迢迢。此意無從訊。努力讀離騷。西風吹兩鬢。

留別疏雨觀察

北海曾陪酌酒筵。西郊猶謝和詩箋。一人知己常無恨。萬里從軍屬有緣。忍爲鱸魚饒便去。私因烏鳥遠堪憐。蒼茫細柳斜陽路。賸欲攀條一泫然。

回首傾衿歲雨還。班班車子入河間。榮攷翠羽來雙闕。威建紅旌到百蠻。十萬甲兵新虎節。三千風月舊龍山。平生不作殷勤語。卻爲先生一破慳。先生以翰林出守河間。特旨褒詢。居官尋擢備兵貴州。當文之役。生禽逆苗。章七結。蒙恩賞戴花翎。

群柯南去瘴雲屯。金甲初銷玉壘存。征戰曾隨寶車騎。流仁誰繪鄭監門。借來河內從民欲。薦作雲中念主恩。我亦曲終思奏雅。不關辛苦賦銷魂。先生時以河郡舊失察事。被吏議左遷。當去。中丞奏請寬留。俟代。或謂早依北斗者。不依獨謂與義善後。先生宜獨任之。是以有寇恂。魏禽之比。深願公之肯念民難。即所以不負主知也。臨別贈言。冀補聰明之萬一。

疏雨先生屬題紅藥便。面久而未報歲云暮矣。驪駒在門。啓筭得筵。率占二絕句。錯書諸花間。葉底既補畫之不足。且留情之有餘。翦燭操觚。爲之惆悵。

懷袖朝雲警歲寒。題詩容易別離難。分明疊作陽關譜。那買胭脂畫牡丹。三杯藍尾舊豐臺。觸忤春風一面來。算得明年五陵道。相逢正是此花開。

登甲秀樓聞落葉

秋老四山空。高樓落木叢。鳥飛天過半。風起樹當中。人外炊烟白。年來戰血紅。尙留王粲在。瑟瑟賦飄蓬。

圖甯關紀別

侵曉離亭唱鷓鴣。雨絲風片最模糊。一肩書劍從來慣。滿眼關山半語無。昨夜酒杯猶北海。明年春水又

西湖。這者多杭人。情誰解說相思者。寫箇天涯送別圖。

龍里夜宿欲雪

依舊來時路。經年費往還。采薇吟小雅。折柳唱陽關。山氣沈風雨。泉音奏珮環。天寒應貰酒。遠上白雲間。且向城中去。蓬門爲我留。風烟開茗椀。雪壁亂鐙籌。欹枕青精飯。吹簫紫綺裘。果然十年事。脈脈到心頭。

雨行貴定道中

雪不能成雨。又催雞聲惆悵馬徘徊。輕裝壓霧溼偏重。短褐卷風寒自開。孤唱尙聞泥滑滑。遠行真見石纍纍。人間好夢知何限。似我拋殘又一回。

過清平縣

雨歇山旣晴。縣在晴山裏。仄徑草猶滋。我馬時遲迤。炊烟隔簷白。返照射城紫。薄暮出南關。谿壑何瀾瀾。乃知山上雲。卽作山下水。

大峰洞月夜

寒烟四圍中。略有人家住。築垣借近山。支屋因老樹。留客入門來。于時相語語。是夕雨初晴。月色冷成趣。山禽肅肅然。毛羽白如鷺。非謂白如鷺。月色相映故。倚戶憺忘眠。題詩寄蒼霧。

黃平州

日落萬峰深。風搖衆木陰。城門吹畫角。澗水答清琴。橘熟香傾市。鴉歸凍選林。揮鞭尋逆旅。孤負主人心。

重過飛雲洞寄仁甫

暗泉涓涓流古洞。洞口飛雲白如瓮。我往之日雲相迎。今我來思雲亦送。雲非昨日雲。客是去年客。客歸雲不歸。飛去飛來蕩無迹。客休笑雲雲笑人。雲卽是客。客亦雲。百年三萬六千日。問客年來年去光何因。去年石雲雲滿衣。今年雲凍雲不飛。千山萬水歲事莫。夕鵲啼罷朝鳥啼。山亦爲雲遮。水亦爲雲渡。思公子兮雲外路。可惜同來不同去。指此空林片石中。與君舊坐看雲處。

晚下相見坡書所見

轉嶺盤盤出。迴谿派派分。山腰高束日。馬首下窺雲。估客香蓼杖。苗娘花布裙。相思不相見。一笑忽逢君。

沙坪

沙坪東去路。天色晚蒼蒼。爲愛林嵐好。都忘道里長。澗聲喧古瀑。柳影臥朝陽。隔塢涼風至。時聞橘柚香。

鎮遠憩中山寺書僧房壁

寺在最高層。捫蘿附葛登。半山閒落葉。一壚見疏燈。猿鶴諸天梵。龍蛇百尺藤。自憐行腳久。不及定中僧。

蕉谿

夜泊梅谿關。晨下蕉谿灘。灘水羣飛石林立。我船出沒於其間。灘師視灘若平地。一灘一石皆能記。輕車駟馬快曾經。千里豪釐出不意。我聞天破以石補。石破我船無處所。安得西尋蜀丁取。石駢東見海童將水犀。乃有出門笑。而無行路苦。

雪夜泊玉屏山下

一山真如屏。一霧真如玉。繫纜玉屏山。圍住天花宿。來時青壁罨紅霞。歸去蕭條雪壓髭。感此淹留變時物。臥遣春夢先還家。

花將軍詩

貴州提督總兵官花連布。帥藤甲軍征青谿苗。所向無敵。旣而孤騎深入。陣亡於落花坡。蓋地讎也。土人歌花將軍云。

鼻端出火耳生風。難向扶桑挂此弓。橫草功名千古事。落花消息萬山中。水聲鳴咽流殘雪。土語函胡唱斷虹。正是杜鵑啼遍處。春光九十太匆匆。

芷江道中

行盡沅州路。中央幾溯洄。雪撐山骨立。風打浪花開。古屋神仙住。空林鳥雀來。烟波渺如此。何處問湘纍。

屈原

一部離騷卽楚風。美人香草老詩翁。恨他生及春秋後。不得刪同鄭衛中。十萬荊臺留宋玉。八千奇字畔揚雄。文詞何與人家國。傾倒龍門太史公。

黃獅灘

晴昔驚疑處。重來膽未蘇。急流橫放棹。飛渡倒移山。下水人如夢。前期歲又還。猿聲啼斷處。回首彩雲間。

茉莉夫人鬼磨詞

夫人爲波斯匿王次妃。鬼磨則頑石耳。袁中郎遊德山記云。兩巒之間爲凹。前則茉莉夫人鬼宮道也。郡志引張三丰集。茉莉元君。謂卽夫人。竝稱磨在竹林中。宣鑒和尚德山參證時。夫人以磨磨麪供養。或以夫人卽諸天中摩利天所稱鬼子母。胡竹巖引內典作詩駁之。所謂素衣齋日香生絡。息女宮中雪換肌者。其言茉莉夫人。一見瓔珞經。一見法苑珠林。而於鬼磨仍無著也。舟過常德。輒爲一詩紀之。

王妃鬼母兩茫然。辛苦中郎記一篇。花好便開香世界。石頑難結佛因緣。五三福地誰能到。六萬夫人只此傳。若話鑒卽參證跡。竹林深處有寒烟。

夜過青草湖作

香草不可拾。湘波何處流。西風吹落木。嫋嫋一扁舟。烟霧空濛極。魚龍寂寞遊。君山山外月。今夜曲如鉤。

舟次長沙除夕

去向湘西泊。江天正寂寥。百年多萬里。此地又今宵。歲壬寅自粵西入都。泊此度歲。彈指十有六年。酒熱雪猶影。鐘寒風自挑。詩情轉無賴。待欲續離騷。人聲喧極浦。客路悵經年。竹子平安寺。柳條離別天。歲華看鏡裏。兒女卜燈前。水漲孤舟起。東風有杜鵑。

屠維協洽

雨過湘潭縣

烟火十萬家。家家住春雨。我欲問湘人。湘水深幾許。

淶口詠划子船

白沙赤岸中。彷彿羅含記。方便孟婆風。吹轉船如戲。誰知蕩槳人。悟得騎驢意。

人日萍鄉道中

楚尾吳頭第一程。雨衣不漏竹窗輕。車前尙少斑駁物。枕畔初辭欸乃聲。七日春風吹草綠。半山芳樹隔烟晴。自憎蹤跡多飄泊。愁聽靈謠古縣名。

西邨

買得春江下水船。鷺聲搖破暮江烟。擡頭瞥見曹山月。挂在西邨邨那邊。江邨燈火路蕭蕭。茆舍青旗一面挑。記取月明沽酒處。今年今夜是元宵。

張公石

石在袁州江中。相傳張果自海外攜來。聞雞鳴墮此。故亦名張擔。事誠不誕。而石之奇可知。仙人夜半持山飛。騎雲東海開潮雞。雲輕山重天門黑。落水無聲化爲石。既不可作上天梯。亦不能爲中。